



**Broj: 02-50-1-16-12/08**  
**Sarajevo: 26.02.2008. godine**

**BOSNA I HERCEGOVINA  
PARLAMENTARNA SKUPŠTINA  
PREDSTAVNIČKI DOM**

**PREDMET: Obavještenje**

Dom naroda Parlamentarne skupštine Bosne i Hercegovine, na **nastavku 11. i 12.** sjednice, održane 25.02.2008. godine, razmatrao je sljedeće:

**Nastavak 11. sjednice Doma naroda**

1. Izjašnjavanje delegata Doma naroda o Prijedlogu zakona o denacionalizaciji u prvom čitanju, predlagač Vijeće ministara BiH.

**Ad. – 1.**

S obzirom da Dom naroda, prilikom glasanja o Prijedlogu zakona o denacionalizaciji u prvom čitanju, nije imao entitetsku većinu, uslijedilo je usaglašavje Kolegija Doma naroda. Kolegij nije postigao saglasnost pa se pristupilo drugom krugu glasanja. U drugom krugu 2/3 od prisutnih delegata iz jednog entiteta je glasalo protiv pa je samim tim Prijedlog zakona odbijen.

**12. sjednica Doma naroda**

1. Izvještaj Zajedničke komisije o nastojanju za postizanje sporazuma o identičnom tekstu Zakona o internoj reviziji u institucijama BiH
2. Prijedlog zakona o sportu u Bosni i Hercegovini, drugo čitanje, predlagač: Vijeće ministara BiH;
3. Prijedlog zakona o osnivanju Zavoda za izvršenje kaznenih sankcija, pritvora i drugih mjera, drugo čitanje - predlagač: Vijeće ministara BiH;
4. Prijedlog zakona o izmjenama i dopunama Zakona o putnim ispravama BiH, drugo čitanje, predlagač: Vijeće ministara BiH;
5. Prijedlog zakona o vinu, rakiji i drugim proizvodima od grožđa i vina - drugo čitanje, predlagač: Vijeće ministara BiH;
6. Prijedlog zakona o izmjeni Zakona o Vijeću ministara BiH, drugo čitanje, predlagač: Predstavnički dom;
7. Prijedlog zakona o izmjeni Zakon o odlikovanjima Bosne i Hercegovine, drugo čitanje, predlagač: Vijeće ministara BiH;
8. Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2008. godinu, prvo čitanje, predlagač Predstavnički dom.

9. Prijedlog zakona o kretanju i boravku stranaca i azilu, prvo čitanje, predlagač Vijeće ministara BiH;
10. Prijedlog zakona o izmjenama i dopunama Zakona o Službi za poslove sa strancima, prvo čitanje, predlagač Vijeće ministara BiH;
11. Prijedlog zakona o izmjenama i dopunama Zakona o carinskoj politici BiH, prvo čitanje, predlagač: Predstavnički dom;
12. Prijedlog zakona o nezavisnim i nadzornim tijelima policijske strukture Bosne i Hercegovine, prvo čitanje, predlagač Vijeće ministara BiH;
13. Prijedlog zakona o Direkciji za koordinaciju policijskih tijela i o agencijama za podršku policijskoj strukturi BiH, prvo čitanje, predlagač Vijeće ministara BiH;
14. Izvještaj Državne komisije za reviziju odluka o naturalizaciji starnih državljana u BiH za period 1.3.2006. do 31.12.2007. godine;
15. Prijedlog rezolucije o ubrzanju procesa pristupanju Bosne i Hercegovine u članstvo Evropske unije – predlagač delegat Adem Ibrahimpašić;
16. Prijedlog rezolucije o spremnosti Bosne i Hercegovine za NATO integracije – predlagač delegat Ivo Miro Jović;
17. Davanje saglasnosti za ratifikaciju Sporazuma o dugoročnom strateškom partnerstvu između Ministarstva sigurnosti BiH i Ženevskog centra za demokratsku kontrolu oružanih snaga (DCAF);
18. Davanje saglasnosti za ratifikaciju Kjoto Protokola Okvirne konvencije Ujedinjenih nacija o promjeni klime – Kjot 11. decembar 1997. godine;
19. Davanje saglasnosti za ratifikaciju Osnovnog ugovora između Bosne i Hercegovine i Srpske pravoslavne crkve;

#### **Ad. – 1.**

Dom naroda jednoglasno je usvojio Izvještaj Zajedničke komisije o nastojanju za postizanje sporazuma o identičnom tekstu Zakona o internoj reviziji u institucijama BiH

#### **Ad. - 2.**

Dom naroda većinom glasova usvojio je Zakon o sportu u Bosni i Hercegovini u identičnom tekstu kao i Predstavnički dom.

#### **Ad. - 3.**

Dom naroda većinom glasova usvojio je Zakon o osnivanju Zavoda za izvršenje kaznenih sankcija, pritvora i drugih mjera u identičnom tekstu kao i Predstavnički dom.

#### **Ad. - 4.**

Dom naroda jednoglasno je usvojio Zakon o izmjenama i dopunama Zakona o putnim ispravama BiH sa sljedećim amandmanima:

#### **Amandman I**

U članu 13. Zakona o putnim ispravama Bosne i Hercegovine, iza dosadašnjeg stava (5), koji postaje stav (6), dodaje se novi stav (7) koji glasi:

„Izuzetno od stava (1) ovog člana, uz zahtjev za izdavanje putne isprave za strance podnosilac zahtjeva daje na uvid dokumente predviđene propisom donesenim na osnovu Zakona o kretanju i boravku stranaca i azilu“.

## **Amandman II**

Član 21. Prijedloga zakona o izmjenama i dopunama Zakona o putnim ispravama Bosne i Hercegovine, mijenja se i glasi:

"Putne isprave predviđene ovim zakonom izdaju se s rokom važenja od pet godina, a licima koja nisu navršila sedam godina života s rokom važenja tri godine, osim putne isprave za izbjeglice i putne isprave za lica bez državljanstva koje se izdaju s rokom važenja dvije godine, te putnog lista za državljane BiH i putnog lista za strance koji se izdaju s rokom važenja 30 dana."

## **Amandman III**

U članu 22. briše se druga rečenica koja glasi: „Zakon će se početi primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

U istom članu dodaje se stav (2), koji glasi:

„(2) Odredbe člana 7. ovog zakona počeeće se primjenjivati po sticanju tehničkih uslova, što će biti određeno posebnim aktom Ministarstva civilnih poslova.“

Budući da je Zakon usvojen u različitom tekstu u odnosu na Predstavnički dom, Dom naroda imenovao je sljedeće delegate za članove Zajedničke komisije za postizanja sporazuma o identičnom tekstu Zakona:

Dušanku Majkić  
Rudu Vidovića  
Almu Čolo

### **Ad. - 5.**

Dom naroda jednoglasno je usvojio Zakon o vinu, rakiji i drugim proizvodima od grožđa i vina u identičnom tekstu kao i Predstavnički dom.

### **Ad. - 6.**

Dom naroda jednoglasno je usvojio Zakon o izmjeni Zakona o Vijeću ministara BiH u identičnom tekstu kao i Predstavnički dom.

### **Ad. - 7.**

Dom naroda jednoglasno je usvojio Zakon o izmjeni Zakon o odlikovanjima Bosne i Hercegovine u identičnom tekstu kao i Predstavnički dom.

### **Ad. - 8.**

Dom naroda većinom glasova usvojio je u prvom čitanju, Prijedlog zakona o Budžetu institucija Bosne i Hercegovine i međunarodnih obaveza Bosne i Hercegovine za 2008. godinu.

### **Ad. – 9.**

Dom naroda jednoglasno je usvojio u prvom čitanju, Prijedlog zakona o kretanju i boravku stranaca i azilu.

### **Ad. - 10.**

Dom naroda jednoglasno je usvojio u prvom čitanju, Prijedlog zakona o izmjenama i dopunama Zakona o Službi za poslove sa strancima.

**Ad. - 11.**

Dom naroda je u prvom čitanju, većinom glasova „za“, prihvatio Mišljenje nadležne komisije koja nije prihvatila principe Prijedloga zakona, pa je samim tim Prijedlog zakona odbijen.

**Ad. – 12.**

Dom naroda je u prvom čitanju, većinom glasova „za“, usvojio Prijedlog zakona o nezavisnim i nadzornim tijelima policijske strukture Bosne i Hercegovine sa sljedećim zaključkom:

„Dom naroda Parlamentarne skupštine Bosne i Hercegovine poziva Evropsku uniju i gospodina Olija Rena i OHR da što je prije moguće potpiše sa Bosnom i Hercegovinom Sporazum o stabilizaciji i pridruživanju.“

**Ad. – 13.**

Dom naroda je u prvom čitanju, većinom glasova „za“, usvojio Prijedlog zakona o Direkciji za koordinaciju policijskih tijela i o agencijama za podršku policijskoj strukturi BiH.

**Ad. - 14.**

Dom naroda jednoglasno je usvojio Izvještaj Državne komisije za reviziju odluka o naturalizaciji starnih državljana u BiH za period 01.03. 2006. do 31.12.2007. godine sa zaključcima koje je predložila Zajednička komisija.

**Ad. - 15.**

Dom naroda je većinom glasova „za“, usvojio Rezoluciju o ubrzanju procesa pristupanja Bosne i Hercegovine u članstvo Evropske unije čiji je predlagatelj delegat Adem Ibrahimpašić sa zaključkom da se tačke 9. i 10. iz predložene rezolucije brišu.

**Ad. - 16.**

Dom naroda jednoglasno je usvojio Rezoluciju o spremnosti Bosne i Hercegovine za NATO integracije čiji je predlagatelj delegat Ivo Miro Jović

**Ad. – 17, 18, i 19.**

Dom naroda jednoglasno je dao saglasnost za ratifikaciju sporazuma, Okvirne konvencije i Osnovnog ugovora iz ovih tačaka dnevnog reda.

**PRVI ZAMJENIK  
PREDSJEDAVAJUĆEG  
DOMA NARODA  
dr Mladen Ivanić**